

來鳳縣志卷二十四

人物志

壽考 壽婦附

張文俊字拔萬誠一里土堡人天性樸實取與分明卒年九十有二妻蕭氏躬操井臼家道日昌卒年八十白首齊眉眼觀五代邑人至今稱之子仕儒仕陶仕纁仕智仕柄

曾有華元阜里人居鄉循分生九子蕃衍至百七十丁眼觀四代卒年九十有三子思達武生思海現年八十

來鳳縣志卷之二十四 人物志 壽考

有六

何顯俊字光華元阜里人氣量寬宏鄉里稱長者卒年八十有一子誠璧監生誠瑞布政司理問銜孫遠鎮庠生候補府經歷遠畧歲貢生候選訓導

張鳳鳴字昌廷城內彩耀街人居心和平卒年八十有二妻饒氏秉性最嚴樂善好施夫婦白髮齊眉眼觀五代卒年九十有一子書紳拔貢孫鏐拔貢鍊廩生鎮庠生

楊天幹南門外人天性純樸動循禮法卒年九十有六

子煥之庠生孫徽猷徽策俱庠生

唐成隍悌恭里人卒年九十

楊九老悌恭里人古朴勤儉卒年九十有六孫昌進

敖天生年六十疫死一日而甦續娶生子紹章年九十

六無疾而死紹章卒年八十有九

劉顯耀卒年九十有五

袁文奎素重鄉誼卒年九十有五

喻民安卒年九十有三弟民泰卒年八十有九

楊志賢字希聖南門外人自奉儉樸待人誠實曾傾囊

來鳳縣志

卷之二十四

人物志

壽考

二

爲友償債無德色卒年八十有五孫承杰庠生

張紹倫勇敢里人有孝行與妻李氏俱年八十有五卒

子廷松貢生鶴峯訓導孫光斗光統俱庠生

何映珍東門外人存心耿介遇事敢言卒年八十有五

弟映彰卒年九十有三

曾思順城內青桐巷人形貌魁梧豪俠自喜能爲鄉里

排難解紛卒年八十有二孫紹魯庠生

姚應壽智樂里人通堪輿善處鄉里卒年八十有九

蕭祚長誠一里人居心正直與人和易卒年八十有九

蕭國舉誠一里人居心誠篤與人交不欺卒年八十有二
田志正利正里人性好善七十生子八十有八弄孫卒年九十有三人以爲忠厚之報云

謝世安利正里人忠謹性成與世無爭卒年九十有五弟世楨善氣迎人終身不出惡言卒年八十有九

鄭仕南元阜里人庠生悃悃無華謹守卧碑卒年八十有三

王啟文南門外人性純樸與物無競卒年八十有三子來鳳縣志

卷之二十四

人物志

壽考

三

宗彝歲貢生

熊學健城內白鳥巷人性豪爽喜張公道尤敬禮賢士卒年八十有三子鳳翹庠生工書

魯元坤卯崗司人居心忠厚敬禮神明卒年八十有六陳文藻卯崗司人爲人正直樂濟貧困年八十二無疾而卒妻覃氏卒年九十有四孫嘉謨庠生大炳監生

鄒文虎字玉文誠一里人性樸實安分力農卒年九十有二

田朝琚悌恭里人事繼母以孝聞性剛直鄉里有事多

排解之卒年八十有一子雨芳庠生

姜敬一貞肅里人妻雷氏相敬如賓人言無間姜卒年八十有六雷卒年九十有五

何映熙誠一里土堡人從九銜性樂易好施卒年八十字天曙庠生遠松武生孫修庠生

田仁傑元阜里人性耿直喜張公道卒年九十有二妻劉氏卒年八十有二

田鴻猷元阜里人嘉慶元年教匪入境出力勦賊與妻汪氏卒年均八十有六

來鳳縣志 卷之二十四 人物志 壽考 四

朱榮富元阜里人貌魁梧膂力過人嘉慶元年勦賊手執百餘劬巨礮指揮如意賊畏之卒年八十有一

勞世魁城內白鳥巷人好讀書近賢士卒年八十有五向正彬仁育里人好學能文見重鄉里卒年九十有五勞豐潤世魁子也喜錄先正格言至老不倦卒年八十有五

羅周道利正里人克敦古處卒年九十有一

王文貴元阜里人卒年百八歲原籍龍山或云山東人劉明立元阜里人卒年九十有六

馬啟富元阜里人卒年九十有一
李正泰元阜里人卒年九十有一
莫子富元阜里人卒年八十有九
龔友諒元阜里人卒年九十有四
王國順西門外人卒年九十有二
周益盛城內人少孤貧常依拔貢張鎔家爲傭辛酉城
破賊欲火其宅盛以死爭之賊怒截其鼻橫加炮烙哭
且呼曰寧死不出此一步也賊義而釋之宅獲無恙卒
年八十有二

來鳳縣志

卷之二十四

人物志

壽考

五

張思徽誠一里人性耿直恤人困苦卒年八十有七子
來儀庠生

劉孫榜貞肅里人直樸忠厚樂善好施卒年九十有三
妻袁氏卒年九十孫登瀛武生

覃洪基元阜里人居鄉好排難解紛尤多方周濟遠來
貧民族姓咸遵其約束終身未入公門年八十有一無
疾而卒弔唁者無不泣下

彭明照悌恭里人爲人端方卒年八十有九
汪君相悌恭里人性喜交游卒年八十有九

楊萬才悌恭里人卒年九十有五

郭士鳳篤於鄉誼卒年九十有一

余嘉會積學未售卒年八十有九

張紹信妻印氏卒年俱八十有九

閔子裔卒年九十有一

田敏悌恭里人通堪輿喜為人言陰騭事乾隆丁未年

與同里段學成修永壽橋卒年八十有二

張大賢悌恭里人卒年九十

黃世才悌恭里人耿介忠直事母孝卒年八十有四

來鳳縣志 卷之二十四 人物志 壽考 六

張思鰲誠一里人天性渾厚卒年八十有二子峻己酉

科選拔淡於仕進授徒養親博學能文兼精岐黃為時

名醫

王嗣貴悌恭里人存心忠厚凡有糴穀於其家者皆供

餐飯卒年九十有五其子賢舉現年八十有三

劉勳詳誠一里人為耿直居鄉循分與世無爭現年

八十有七孫萬選庠生

張廷柱勇敬里人性友愛兄廷松家法嚴肅桂奉命惟

謹至老不衰現年八十有一妻魏氏卒年八十有一

舒心文孝原里人眼觀四代現年九十有二

鄧玉明孝原里人嘗以古人忠孝逸事編成小曲時歌之以勸人現年八十有四

劉應璉元阜里人現年八十有二

唐世華元阜里人現年八十有六

蕭順祈元阜里人現年八十有四

蕭順交元阜里人爲人耿直現年八十有四

何顯經亨康里人現年八十有六子誠學六品軍功

張士福性耿介現年八十有七

來鳳縣志

卷之二十四

人物志

壽考

七

張遠光信茂里人存心忠厚現年八十有二孫從益從賢俱從九

彭啟亨利正里人爲人樸實臨財不苟現年九十有三

譚萬順利正里人存心忠厚和睦鄰里門無詬誶現年八十有六

江世文利正里人與妻喻氏相敬如賓俱現年八十有四

向安朝仁育里人精岐黃時行方便現年八十

蕭道盛忠崇里人持躬正直喜張公道現年九十有二

覃述和亨康里人持躬直率厚卹親戚尤敬禮師長現年八十有五子樂中歲貢孫維藩維觀俱庠生

馬祖乾孝原里人性冲和終身無訟事現年八十有三精神不異少壯子五人輪流供奉均以孝聞

劉錦春智樂里人爲人温厚和平現年八十有五田啟祿勇敢里人以漁爲業現年九十有七

李成象孝原里人性和睦常以善言勸人現年八十有六

楊通茂悌恭里人持家勤儉現年八十有三

來鳳縣志

卷之二十四

人物志

壽考

八

姜熊悌恭里人現年八十有二

田萬富現年九十妻曹氏現年八十有三

田萬才現年八十有一

田啟剛現年八十有八弟啟綱現年八十有七

王衍祥現年八十有二

瞿天壽現年八十有二

周時明現年八十有一

滕成彥元阜里人現年九十有三

余蘭策元阜里人現年八十有七

壽婦

何劉氏湖南新化縣處士何萬位之妻性端嚴有丈夫氣夫故家貧攜五子大賢大貴大楨大寶大贊遷居來邑卒年九十是爲來鳳何姓之始

何江氏誠一里何文龍之妻仁慈嚴肅好周貧乏卒年八十有三子藩直隸知縣樑雲南巡檢

王樊氏碧秋巷己酉拔貢廷弼之母癸酉拔貢煜之祖母端莊慈惠尊禮師儒卒年九十有二

曾劉氏青桐巷舉人有光之母性嚴毅閨門內肅若朝

來鳳縣志

卷之二十四

人物志

壽婦

九

廷卒年八十有三

何胡氏誠一里庠生何顯樞之妻性慈祥渾厚喜周貧乏卒年八十有九子映焜庠生紹本增生廣西巡檢孫

天衢遠疇俱庠生

馳封孺人

張唐氏誠一里議敘縣丞張仕儒之妻善事翁姑卒年八十有四以子思雋貴 馳封孺人

張唐氏誠一里張仕陶之妻性賢淑克敦孝敬卒年八十有一子孫蕃衍列膠庠者代不乏人

張向氏誠一里六品軍功張仕柄之妻安徽休甯縣縣

丞思九之母性樂施與不欲人知遇庶子猶已出其慈
祥之性然也卒年八十有三孫浩庠生治歲貢生

覃王氏誠一里世襲雲騎尉覃庭中之妻庭中治家嚴
厲氏以寬和佐之卒年九十子清和雲騎尉敬熙甘肅
府經歷孫紹鼎福建府經歷紹彝陝西巡檢

張鄔氏拔貢張書紳之妻秉性和柔卒年八十有二子
鍊廩生鎮庠生

彭伍氏彭文選之母卒年九十有四

滕陳氏元阜里人卒年九十有八媳楊氏卒年八十

來鳳縣志

卷之二十四

人物志

壽婦

十

匡曾氏元阜里匡士清之母卒年九十

田彭氏利正里彭興隆之妻卒年九十有六

陳楊氏智樂里陳德政之母庠生陳際盛之祖母卒年

九十有一眼觀五代兒女皆白髮繞膝

劉廖氏東門外劉之綱之妻卒年八十有九子大和大
本

曾匡氏元阜里曾思祿之妻卒年九十有三

倪譚氏倪宗勝之妻卒年九十有二

鄧何氏貞肅里鄧仕學之妻卒年九十有一

張鍾氏城內彩耀街張潤澤之妻秉性慈祥樂周貧乏
夫婦齊眉卒年八十有三子鎔拔貢生

官舒氏悌恭里官正清之妻湖南淑浦舉人舒習儀之
姪女卒年八十有九

黃楊氏悌恭里人居心慈善卒年八十有九子世才
劉蔡氏勇敢里增生劉必芬之母性賢淑鄉黨奉爲閭
範卒年八十有五

覃樊氏公安縣訓導覃旭和之妻慈善端莊現年九十
有七猶能教孫女輩針黹

來鳳縣志

卷之二十四

人物志

壽婦

十一

黃胡氏勇敢里監生黃廷秀之妻現年九十三子拱兄
弟六人

楊舒氏利正里楊光鳳之妻年四十夫故有子六人女
二氏撫養成立今子女皆登古稀氏猶康強現年九十
有四

鄢熊氏鄢祖殿之妻現年八十有五無子有女適邑庠
黎悅誠守節迎氏奉養之

楊鄒氏元阜里楊再祥之妻現年八十有六子正璧

湯鄒氏元阜里湯廷顯之妻現年九十有二子居勝居

友

張劉氏誠一里土堡庠生鼎之母現年八十有二

程張氏城內白鳥巷程祥萬之妻現年八十有一

羅田氏青桐巷羅善朝之妻現年八十有二

曾劉氏元阜里曾祖兆之妻現年八十有三

譚蔣氏城內譚永良之妻現年八十有三

蔡馬氏元阜里蔡開榜之母現年八十有一

陳胡氏勇敬里陳鴻祥之妻現年八十有一

楊莫氏元阜里楊天祿之母現年八十有二

來鳳縣志

卷之二十四

人物志

壽婦

十三

李莫氏元阜里李永康之母現年八十有二

楊鄭氏貞肅里楊光貴之妻現年八十有七

鄒姚氏元阜里鄒朝友之妻現年八十有二

陳饒氏元阜里庠生陳忠議之母教子有方現年八十

陳李氏悌恭里陳德崇之妻爲人賢淑現年九十有一

子鴻翥庠生

唐姚氏悌恭里人現年八十有三子守懷

唐彭氏悌恭里唐成開之妻現年八十有六

唐黃氏悌恭里唐守敬之母現年八十有三

儲訥氏勇敬里儲尚青之妻現年八十有五
胡陳氏勇敬里胡盛寬之妻現年九十有二
古者論年以七十爲稀若耄若耄則稀之又稀矣豈
非天下之難得而可貴者哉或由得天者厚或由調
攝有方究之天人未嘗不相需也我

朝

聖聖相承錫福於庶民玉燭調而人無夭札宜閭閻同登
壽域者之多也

壽婦補遺

傅袁氏本城附生傅求仁之母卒年八十有二
李唐氏孝原里李萬章之妻現年八十有五子連登

來鳳縣志

卷之二十四

人物志

壽婦補遺

十四